

Noerspène (12)



Tot mognant èto dèb bèn èwissès cùtèpeûres, Noerspène a conté à Bêr Ike ki Pwèlèlêr vinéve d' fwârt bèn lon. D'bèn pus lon k'lès wôts monts èt lès spès bwès, ki vinéve do payi dèb Còznutodroles k' è-st-a costé dèb tères dèb Djòzcomiakmis èt ki s'avéve pièrdu au mitan dèb bouchnisses d' adlé nos ôtes. " Bon, c' n'èst nèn tot di s' è mète plin l' boudène, a rèspondu Bêr Ike, i vos faut tot d' minme sawè k' i gn'a dèb brùts ki corenut dsus c' vichnauve ci. Dj'a ètindu dîre k'i s' î passe dèb droles di sakwè. I nos fauréve raler au pus râde amon nos ôtes."

- Di kwè avèz don peû ? a dimandé Noerspène.
- Mmm, come c' èst bon, a dit Pwèlèlêr, tot atakant on nou frût, po m' paurt, ça fait dèb djoûs ki dji n'a vèyu nèlu...

(A shûre)

Noerspène (13)



- C' èst djustumint c' ki gn'a drole vèci, a-t-èspliké Bêr Ike, oyèz l' pus ptit brût ? Ètindèz zûner on picron, voler ène moxhe à mièl, xhoufler on cizèt ? Nèlu n' paupîye. Minme lès fouyes on l' êr d'awè sogne di n' nèn tro tryaner !
- Asteûre ki vos mèl dijèz, l' èst vrê k'ça fait one paye k' tot fait silince autoû d' nos, a rèspondu Noerspène, mins pokwè èstèz insi si stindru, p'tète ki tot l' monde vos xhouûte ?
- C' èst ça, foutèz-vos d' mi. Todi èst-ce-t-i ki dji m' a d' aler vos ratinde pus lon. N' taurdjèz nèn d' tro, a radjouté Bêr Ike tot s' avolant dins l' cîr.
- Mmm... Dj'a co fwim. N' avîz nèn cauzé d' bouxhnisses à boukètes ? a djèmi Pwèlèlêr.

Mins, padrî on âbe ène ombe si stind...

(A shûre)